

全立賣杜絕盡根厝宅山園契人果毅後保山豬陷庄林德旺、能海等，有承祖父鬮分應份厝宅、山園壹段，帶竹木、雜物、菓子在內，年帶納番餉銀壹大員，坐落土名山豬陷土空口，大小坵數不等，東至溪，西至小坑，南至土空內，北至大溪。又過溪園壹所，帶竹木、雜物、菓子在內，東至溪，西至溪，南至溪，北至東宅坪頂、吳家厝腳。又猴廚坪山宅壹所，帶竹木、雜物、菓子在內，東至溪，西至大岑，南至滴水坑尾大岑，北至小溝。又加冬坑一湖，帶竹木、雜物、菓子在內，東至岑，西至土空坑，南至小坑，北至沈家宅腳，俱四至明白為界。今因母故乏銀費用，將此厝宅、山園、竹木、雜物、菓予，先盡問房親人等不欲承受，外托中引就賣與本庄沈忠厚出首承買，三面言議著下時價佛面銀陸拾陸大員正。其銀即日全中交收足訖，其厝宅、山園、竹木、雜物、菓予，併帶上手契內註大寮壹座住在洪家分內，隨即一尽踏界，交付與銀主前去掌管，造起房屋，起耕招佃耕作，收租納餉，不敢阻擋，永為己業。一賣終休，日後子孫不敢言贖，亦不敢言找，亦不敢異言生端滋事。保此厝宅、山園、竹木、雜物、菓予係是旺等承祖父鬮分應份之業，與別房親伯叔兄弟姪人等無干，亦無重張典掛他人財物為碍，或來歷交加不明以及拖欠舊餉不明等情。如有不明，旺等全自出頭抵當，不干銀主之事。此係二比甘愿，各無反悔。口恐無憑，今欲有憑，全立賣杜絕盡根厝宅山園契壹紙，帶上手繳連印契、墾契、鬮書共叁紙，合共肆紙，付執為炤。即日全中收過契面佛銀陸拾陸大員完足。再炤。

知見人親全兄登科  
為中人蔡登掌

道光貳拾捌年柒月

日全立賣杜絕盡根厝宅山園契人林德旺

能海

代書人蔡水蓮

